

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社


四庫全書存目叢書

史部

第二六九冊

責任編輯：孫言誠 賀 偉

ISBN 7-5333-0535-3



9 787533 305352 >

2386/07

四庫全書存目叢書·史部二六九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 53.375 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第二六九冊目次

史部·政書類

謚法通考十八卷

〔明〕王圻撰
上海圖書館藏明萬曆二十四年刻本

一

皇明貢舉考九卷附貢舉紀畧一卷

〔明〕張朝瑞輯
北京大學圖書館藏明萬曆刻本

四二五

謚法通考十八卷

〔明〕王圻撰

上海圖書館藏明萬曆二十四年刻本

附《四庫全書總目·謚法通考

十八卷》提要

謚法通考序

自古所稱至無私而不得不然者
有兩惟法無私而惟史無私法
之用賞罰之所出也史之用是非
之所出也而史之有春秋也則史
而法者也法之有謚也則法而史
者也凡謚之行聖賢以至公至明
之心與天下一毫我不得而私焉
生人之類亦何所不至蓋按事
定謚以露敗而因以累白也可勝

道哉且夫愛憎恩讎言趨背踈
抑人之時有人。有所賢有所不
肖一旦意平於世異論定於情
忘於後人品乃見未必明於重
者必能明於死未必公於前者
必能公於後其必能明與必能
公者不能為之於法者必能為之
於謚故賞罰者法也是非者史
也賞之不足而求之罰之不足而
非之者謚也謚也者重法與史

出而其至公至明又合於必能公
者與必能明者而不得不然者
也學士閣於所聞以謂是賞罰
也是非也必以聖王勸懲天下之
具夫聖王之治天下禮樂刑政
大經大灋要不可易所謂勸懲
天下者天下自各以勸懲取焉
聖王非特為勸懲設也特為
勸懲而設則聖王之賞罰是
非亦細矣不然者假令天下盡

已勸矣盡已懲矣而賞罰是
非遂可已乎抑或未之使能勸
且懲者而賞罰是非遂盡
而不允庸乎物之有勸懲受變
於賞罰是非賞罰是非受常
於天之於物生於春長於夏收
於秋藏於冬而天則以四時自正
於上蓋其四時之候而物以肖
為聖王之道猶天然臣子之於君
父尚有不得已而南面稱天以

謚之與抑將君親之不可少諱
而必以垂戒來世益某也善之
善之如是止某也不善不善之
如是止善不得以私諸惡之不
得以私諸善、惡不得以謚推
所私美者自美惡者自惡謚
之不得不然者嗚呼一字為褒
貶謂何耳古者謚美惡通乎
上下後則天子無惡謚獨人臣
有之後則人臣亦無惡謚矣皆

美謚云人臣美謚以三字謚不
槩見於春秋時得貞惠文子一
人以四字謚於我

朝得一人以六字謚者亦於我

朝三得之皆非恒典云褒貶者

謚法通考

六

取其義取之體也紀述者備其
事辭之體也雲間王元翰氏揖
謚法通考上自君后臣庶以下
及嬪寺外夷若干卷備矣所
謂古今得失之林非耶元翰于

書無所不讀以臺史歷藝督學

使歸田後日杜門著述輯有續

文獻通考凡若干卷就其中拙

謚法一種另梓云

萬曆二十四年丙申初夏

謚法通考

七

賜進士第通議大夫兵部右侍郎

兼都察院右僉都御史奉

勅總理糧儲提督軍務兼題撫

應天等府地方巴都趙可懷撰

謚法通考九例

一余續文獻通考嘗益謚法一目以補馬貴與之缺例仍舊貫未及

皇朝今據實錄所書野史所記輯附其後別爲一種庶不至遠希上古近遺

昭代

一謚始周公循至後世遞有沿革輕重之變顯末不詳損益奚鑑故首總紀其有因人論列者又卽附其下庶妍媸易省

謚法通考九例

一成周以前謚法未肇而黃帝顓頊諸謚雜見於索隱通典通義諸書者雖若不經然未敢盡以爲非也故備錄之以示存疑之意

一歷代君后錄其謚而遺其號宗室公主錄其有謚者而遺其無謚者惟我朝

列聖暨

聖母則謚號俱書

親王無謚者亦書庶令草莽之臣未探金匱石室之秘者亦得以窺其盛

一先聖先賢代加隆謚混入諸臣恐失褒崇之義故別爲一目而附以從祀諸儒

一易名大典褒鉞攸存私謚雖不可爲訓然高山景行亦有賴焉余故備著於篇末

一歷代諸后多從帝謚故卽系后於帝其他淑媛或以事而謚以子而謚者難以附見故又別立一目

一是編本以紀謚故自君后名臣而下雖異端巨寺夷狄篡逆之黨有謚亦書

謚法通考九例

一前朝暨

皇明嘉隆以前俱經史傳而緯誌乘卽有所遺十無一二惟萬曆紀元以來第據仕籍所睹記尚多缺漏端有望于博雅君子

謚法通考目錄

卷之一

謚法總紀

謚法釋義

卷之二

古帝王謚

周王后謚

周宗室謚

周卿士謚

謚法通考

目錄

周同姓列國君臣謚

周異姓列國君臣謚

陳王勝謚

卷之三

西漢帝后謚

西漢宗室謚

西漢公主謚

西漢諸臣謚

王莽偽謚

卷之四

東漢帝后謚

東漢宗室謚

東漢公主謚

東漢諸臣謚

蜀漢帝后謚

蜀漢宗室謚

蜀漢諸臣謚

魏帝后謚

謚法通考

目錄

魏宗室謚

魏公主謚

魏諸臣謚

吳帝后謚

吳諸臣謚

晉帝后謚

晉宗室謚

晉公主謚

卷之五

晉諸臣謚

晉異姓王謚

群胡君臣偽謚

劉宋帝后謚

劉宋宗室謚

劉宋公主謚

劉宋諸臣謚

南齊帝后謚

南齊宗室謚

諡法通考
目錄

南齊公主謚

南齊諸臣謚

卷之六

蕭梁帝后謚

蕭梁宗室謚

蕭梁諸臣謚

陳帝后謚

陳宗室謚

陳公主謚

陳諸臣謚

北魏帝后謚

北魏宗室謚

卷之七

北魏諸臣謚上

卷之八

北魏諸臣謚下

北齊帝后謚

北齊宗室謚

諡法通考
目錄

北齊諸臣謚

後周帝后謚

後周宗室謚

後周諸臣謚

隋帝后謚

隋宗室謚

隋諸臣謚

卷之九

唐帝后謚

唐宗室謚

唐公主謚

唐諸臣謚

武氏偽謚

卷之十

後梁帝后謚

後梁臣謚

後唐帝后謚

後唐臣謚

謚法通考
目錄

後晉帝后謚

後晉臣謚

後漢帝后謚

周帝后謚

周臣謚

五代僭國謚

宋帝后謚

宋宗室謚

宋公主謚

卷之十一

宋諸臣謚上

卷之十二

宋諸臣謚下

西夏偽謚

遼帝后謚

遼宗室謚

遼諸臣謚

金帝后謚

謚法通考
目錄

金宗室謚

金諸臣謚

劉豫偽謚

元帝后謚

元宗室謚

卷之十三

元諸臣謚上

卷之十四

元諸臣謚下

卷之十五

皇明 帝后謚

皇明 親王謚

皇明 郡王謚

卷之十六

皇明名臣謚

卷之十七

先聖先賢先儒謚

隱逸謚

謚法通考

目錄

歷代私謚

皇明私謚

歷代婦人謚

皇明婦人謚

異代追謚

卷之十八

宦者謚

釋家謚

道家謚

夷狄謚

謚法通考目錄終

謚法通考

目錄

謚法通考卷之一

雲間王 圻編輯

巴郡趙可懷校正

平湖孫成泰 郢中朱一龍

龍江王應麟 西陵吳化 叅閱

謚法總紀

周禮春官太師掌大喪帥瞽而厥作柩謚 註云厥與也與言王之行謂瞽諷誦其治功之詩也

諸侯薨臣子跡累其行以赴告王王遣大臣會其謚

謚法通考 卷之一

因謚之 又太史掌小喪賜謚小史掌卿大夫之喪

賜謚讀誄註云小喪卿大夫喪

儀禮士冠禮生無爵死無謚卿大夫有爵故有謚

大戴禮曰謚者行之跡也號者功之表也

曲禮曰惟天子稱天以誄之 註云曾子問曰賤不誄貴幼不誄長天子至尊故稱天以誄之

又曰已孤暴貴不爲父作謚

杜佑通典云趙商問鄭志曰已孤暴貴不爲父作

謚而武王即位追王太王王季文王改謚爵何也

答曰周道之業興於二王之功德由之王迹初焉

凡爲人父豈能盡賢乎若夏禹啟湯則不追謚矣

又曰既葬言謚曰類 王肅曰謂類象其行言於天

子以求謚也

郊特牲曰死而謚之今也古者生無爵死無謚

樂記曰聞其謚知其行

表記曰先王謚以尊名節以壹惠耻名之浮於行也

白虎通曰號法天也法日也日未出而明謚法地也

法月也月已入有餘光是以大行受大名細行受小

謚法通考 卷之一

名行生於已名成於人 又曰天子崩諸侯至南郊

謚之以爲臣子莫不欲褒稱其君掩惡揚善故於郊

明不得欺天也后夫人謚臣子共於廟議之 註云

婦人本無外事故不於郊又曰卿大夫老歸死有謚

者別尊卑彰有德也卿大夫歸無過猶有祿位故有

謚也

桓王時蔡侯卒謚桓五經通義曰有德則善謚無德

則惡謚故同也

又曰號者所以表功德號令天下也謚之言列也陳

列所行善有善謚惡有惡謚也 又曰婦人以隨從
爲義夫貴於朝婦貴於室故得蒙夫之謚 又曰夫
人無爵故無謚 或曰夫人有謚夫人一國之母修
閨門之內則下亦化之故設謚章其美惡公羊傳曰
葬宋共姬稱其謚賢之也卿大夫妻命婦也無謚者
以賤也妾無謚亦以卑賤無所能與猶士卑小不得
謚也

秦始皇既併天下追尊莊襄王爲太上皇制曰朕聞
上古有號無謚中古有號死而以行爲謚則子議父

謚法通考 卷之一

三

臣議君也甚無謂朕弗取焉自今以來除謚法朕爲
始皇帝後世以數計二世三世至于萬世傳之無窮
致堂胡氏曰子議父臣議君而非其禮罪不容誅
矣考德行之實而稱天以誅之臣子亦安得而私
之哉然後世謚法雖存而公道不暢爲臣子者往
往加美謚於君親使受所不當得者取世訕笑則
又不若不謚之爲愈矣

五峯胡氏曰昔周公作謚法豈使子議父臣議君
哉合天下之公奉君父以天道耳孝愛不亦深乎

所以訓後世爲君父者以立身之本也知本則身
立家齊國治天下平不知本則縱慾恣暴惡聞其
過入於滅亡天下知之而不自知也不合天下之
公則爲子議父臣議君夫臣子也君父有不善所
當陳善閉邪引之當道若生不能正既亡而又黨
之是不以天道奉君父而以人道事君父也謂之
忠孝可乎今夫以筆寫神者必欲其肖不肖吾兄
則非吾父不肖吾君則非吾君奈何以謚而不肖
之乎是故不正之謚忠臣孝子所不忍爲也

謚法通考 卷之一

四

漢獻帝初平元年省孝和以下廟號初孝和廟號穆
宗孝安號高宗孝順號敬宗孝桓號威宗至是蔡邕
以爲宜省去從之

魏劉輔等論古者存有號則沒有謚必考行迹論功
業而爲之制漢不修古制大臣有寵乃賜之謚今國
家因用宋華臣以爲今諸侯薨於位者可有謚宜定
品秩之限尚書衛覬奏舊制諸王及列侯薨無少長
皆賜謚古之有謚隨行美惡非以優之又以明識昭
穆使不亂也臣以爲諸侯王及王子諸公侯薨可就

行跡賜謚其列侯始有功勞可一切賜謚至於襲封者則不賜謚尚書趙咨奏諸襲爵無殊才異勲於國及未冠成人皆不宜賜謚黃門侍郎荀攸議以爲古之謚紀功懲惡也故有桓文靈厲之謚今侯始封其以功美受爵土者雖無官位宜皆賜謚以紀其功其以功受爵而身在本位類皆比例使自關內侯以下及名號賜爵附庸皆非謚所及若列侯襲有官位比大夫以上其不蒞官理事則當宿衛中勤或身死王事皆宜加謚其餘襲爵既無功勞官小善微皆不足

諡法通考

卷之一

五

太

錄八座議以爲太尉荀勗所定五等列侯以上當爲郡國太守內史郡尉衛門將騎督以上薨者皆宜賜謚從之

晉武帝太康六年劉毅卒時承漢魏舊制爵非列侯雖有高位而不加謚羽林左監北海王宮上疏言毅忠允匪躬宜蒙謚號帝出其表使八座議之多同宮議奏寢不報

東晉元帝大興三年詔古者謚皆名實相稱頃來有爵乃謚非聖賢本意通諫之

彭城國爲李太妃求謚太常王彪之議曰服虔註聲子之謚非禮也婦人無謚泰始以來藩國王妃無有謚者中興敬后登祚乃追謚耳琅邪武王諸葛妃王夏侯妃元帝猶抑蒸蒸之至情不追謚彭城太妃豈宜追謚哉

唐制太常博士掌凡王公以下擬謚皆跡其功德而爲之褒貶無爵稱子養德丘園聲實名著則謚曰先生大行則大名小行則小名告贈謚於柩 註云

諡法通考

卷之一

太

功勳校

下太常擬謚記申省議定奏聞

玄宗天寶八載加聖祖及諸帝后號謚十三載復加吏部尚書顏真卿上言上元中政在宮壺始增祖宗之謚玄宗末姦臣竊命有加至十一字者按周之文武言文不稱武言武不稱文豈聖德所不優乎蓋稱其至者也請自中宗以上皆從初謚睿宗曰聖真皇帝玄宗曰孝明皇帝肅宗曰宣皇帝以省文尚質正名敦本上命百官集議儒學之士皆從真卿議獨兵部侍郎袁孝官以兵進奏言陵廟玉冊不主皆已刊

勒不可輕改事遂寢

綱目書法云增謚之事前古無有也而始於唐人其溢美無實不經之甚然當時臣子莫敢言之獨一顏真卿抗論其失而亦不能改故書詔議省祖宗謚以幸其有是議而惜其卒莫之省以識之爾范氏曰堯舜禹湯文武之君謚號惟一而已既稱天以諫之則子孫不可得而改也高宗不師古昔始改祖宗舊謚天寶以後增加複重至繁而不可紀夫祖宗苟有高世之功德則曰文曰武足矣若

謚法通考

卷之一

七

其無功德而子孫妄加之則是誣之而使天下後世以爲譏玩也故孝子慈孫之欲顯其親莫若使名副其實而不浮則天下心服之矣未聞以謚號繁多爲貴也唐之典禮不經甚矣

杜佑曰周制士冠禮云天子之元子士也士無謚是知太子無謚以未得有所施行故不得設謚宋武夷胡氏曰古者死而不謚不以名爲諱周人以謚易名於是乎有諱禮故諸侯薨赴不以名程子曰古之君子相其君而能致天下於大治者

無他術善惡明而勸懲之道至焉耳勸得其道而天下樂爲善懲得其道而天下懼爲惡二者爲政之大權也然行之必始于朝廷而至要莫先于誅法何則刑罰雖嚴可警于一時爵賞雖重不及于後世惟美惡之謚一定則榮辱之名不朽矣故歷代聖君賢相莫不持此以勵世風也

路史曰古之法行于今者惟謚然二千餘年而靡有定法大戴氏曰昔周公旦太公望相嗣王以制謚法周書之說亦然故今周書有謚法一篇頗稱

謚法通考

卷之一

八

簡要至杜預取而納之釋例而世遂重出之謂春秋謚法蓋不知也異時有廣謚者沈約賀琛皆嘗本之約又撰著謚例事頗詳備而琛之書特少去取且復強爲君臣婦女之別亦無取焉太宗皇帝爰命扈蒙裁著新書然而亦莫究明蘇洵于是究定古今斷以書傳刊其重複以爲法雖其或從或違時亦有合聖人之意然其必欲以堯舜禹湯等入謚而謂其法起于三王五帝之時則大謬矣夫謚者原其號者也其不出于周公之前予嘗論之